

11 تفسير سورة الفرقان (11) (من قول الله تعالى) وإذا قيل لهم اسجدوا للرحمن (الآيات 06-36)

شوقي عبدالصادق

الحمد لله والصلاة والسلام على سيدنا رسول الله وبعد سلام الله عليكم ورحمته وبركاته ثم اما بعد انتهينا الى قوله تبارك وتعالى واذا

قيل لهم اسجدوا للرحمن. قالوا وما الرحمن؟ انسجد لما تأمرنا وزادهم نفورا - [00:00:00](#)

قال الحافظ ابن كثير اي لا نعرف الرحمن. هم فعلا ما كانوا يعرفوا الرحمن الاسم بالنسبة لهم جديد جديد لانهم كانوا يبسموا

الرحمن دي لبشر على انه مش من اسماء الله سبحانه وتعالى. كانوا ينكرون اي مشركي مكة طبعاً - [00:00:25](#)

ينكرون ان يسمي الله نفسه باسمه الرحمن بدليل ان هم في صلح الحديبية شف بقى بعد كم سنة كم سنة الفترة الهجرية كلها ما

فيش ما آآ السورة مكية اه بس الفترة المكية ما فيش ما هناك بقى بعد الرسول مهاجر - [00:00:48](#)

وجه وعمل صلح الحديبية اكتشفوا بقى ان الاسم ده من اسماء الله عز وجل وهم بيكتبوا العقد عقد الصلح يعني الرسول عليه الصلاة

والسلام بيملئ سيدنا علي اكتب بسم الله الرحمن الرحيم - [00:01:17](#)

اكتب باسم الله الرحمن الرحيم فطبعاً سهيلة او اللي قاعد بيخلص العقد مع الرسول عليه الصلاة والسلام قال لا نعرف الرحمن ولا

الرحيم شف بعديه لا نعرف الرحمن ولا الرحيم. ولكن اكتب ما كنت تكتب. زي ما كنت بتتعود متعود تكتب قبل كده في الرسائل -

[00:01:34](#)

هو ما كنش بيتعود غير كده يعني. اكتب باسمك اللهم اما الرحمن الرحيم يعني اعتبره دي تزوير في الايه ها ففي الصلح ده تزول في

الصلح. لا نعرف الرحمن ولا الرحيم. ولكن اكتب كما كنت تكتب باسمك اللهم - [00:01:58](#)

ولهذا انزل الله عز وجل قل ادعوا الله. او ادعوا الرحمن. ان يما تدعوا فله الاسماء الحسنی. واذا قيل لهم اسجدوا للرحمن قالوا وما

الرحمان؟ اي لا نعرفه ولا نقر به. احنا نعرف الله - [00:02:18](#)

وبعدين عاوزنا بمجرد ما تقول لنا اسجد ونسجد هنا بقى السجود لطيفة جميلة قوي في مسألة السجود دي. وزادهم زادهم نفورا ايه؟

ده هم اصلاً مختلفين. فلما تقول لهم اسجدوا للرحمن هم مش عارفين اسم الرحمن - [00:02:38](#)

فالموضوع هيخلوهم ايه يزيدو نفور يعجبني يعجبني ابن عاشور لما قال والسجود الذي امروا به سجود الاعتراف بالوحدانية. صح

كده لان دول كفرة اسجدوا هم سجود السجود ده للمصلين. والرسول عليه السلام علم المسية صلواته قال له تسجد كذا وتعمل كذا. ده

راجل بيصلي - [00:02:58](#)

دول ما بيصلوهم اصلاً. دول مش اللي لسه ما دخلوش الاسلام. يبقى السجود عندهم مفهومه ايه لله بالوحدانية. قولوا لا اله الا الله

تفلحوا اعترفوا الاول بالوحدانية لله. فهم ده شعار الاسلام اصلاً الاعتراف بالوحدانية وبعد كده يصلوا بقى. هو كده الصح فعلاً. انما هو

الرسول ما كانش - [00:03:28](#)

مش بيكلفهم يقول لهم صل طب هم ما شهدوش اصلاً هم لم يشهدوا ان لا اله الا الله هيصلوا؟ ويسجدوا؟ اه يبقى فعلاً دول يطوفوا

باصنام ويقدسوا اصنام ويعظموا اصنام فهم الاول يعترفوا لله بالوحدانية - [00:03:58](#)

وبعدين مر معنا في الصورة ان هم يعني من ناحية الوحدانية دي مرفوضة لولاها ان صبرنا عليها ان كاد ليضلنا عن الهتنا لولا يبقى

فيه فيه هنا صمود وانكار للوحدانية. ولزلك سيدنا النبي صلى الله عليه وسلم لما كان يرسل احداً من الصحابة ليدعو - [00:04:16](#)

الناس للاسلام كان يحط له اولوياته ويرتب له برنامج الدعوة اللي هيمشي عليه. البرنامج اللي هيمشي عليه ولزلك مش اي حد يدعو كده اي كلام في اي كلام وخلص ويقول لك دعوة دعوة ايه - [00:04:45](#)

دعوة لها نزام صحح عقيدة الناس اولاً وبعدين قل لهم في عبادة مطلوبة منكم الاول عقيدتهم تصحح مش اي عدد واي ناس كثيرة وخلص وفرحانين لا لا لا واغلبهم على الشرك واغلبهم على الضلال - [00:05:01](#)

ونفرح بالعدد والكثرة وكل غشاء كغشاء السيل لأ. قال لسيدنا معاز كده فليكن اول ما تدعوهم ايه لما ارسلوا الى اليمن اول حاجة تدعوني شهادة ان لا اله الا الله الذي هي دي ايه؟ واذا قيل لهم ايه؟ اسجدوا. يشهدوا الاول ان لا اله الا هو ده السجود - [00:05:20](#)

شهد يبقى سجد. واستسلم وخضع اذا شهد ان لا اله الا الله لانه راجل على الشرك لازم الاول يشهد ان لا اله الا الله. الشاهد يبقى كده سجد. لما تيجي تقول له بقى صل واسجد دي سهلة عليه بقى. فان هم اطاعوا لذلك - [00:05:40](#)

ان الله افترض عليهم خمس صلوات. طب ما قطعوش خليك وراهم لما ايه ها يطيعوا لأ لما يشهدوا ان لا اله الا الله. اطاعوا انقل بقى. هم خلاص شهدوا ان لا اله الا علمهم بقى. قل لهم ان فيه خمس صلوات. صلوا علمهم - [00:06:01](#)

بعد كده بقى الزكاة والحاجات دي. فالمهم يعني هنا اه واذا قيل لهم اسجدوا للرحمن المقصود من السجود هنا ايه؟ ها الاقرار لله بالايه؟ بالوحدانية. قالوا اسجد لما تأمرنا؟ انت عاوزنا نترك اللي احنا - [00:06:21](#)

علي ونعترف بما انت عليه. بمجرد كلامك كده واضح ولا مش واضح؟ اه اسجد ليه ما تأمرنا وكمان لما قال لهم اسجدوا للرحمن زادهم ايه؟ نفورا. يبقى هم اصلاً رافضين السجود الاولاني اللي هو ايه؟ الاعتراف - [00:06:41](#)

الوحدانية مرفوض. كمان عاوزهم يعترفوا بالوحدانية. ويعترفوا للرحمن. وهم اصلاً مش عارفين مين؟ اه هو ده الانكار بقى الانكار جاي من هنا بقى فزادهم ايه؟ نفورا. زادهم نفورا. اضيف بقى كلمة حول مسألة السجود دي - [00:07:02](#)

وايات السجود ومفهوم السجود. لان الناس فاهما غلط في غلط في غلط الا ما رحم ربي فمن السجود تيجي اية سجدة يقوم ساجد وخلص كده عمل اللي عليه ويقعدوا يسألوا طب لو مش متوضي تاب وتنفع من غير القبلة ماشي - [00:07:22](#)

كل ده ماشي بس مش هو ده مش هو ده المراد. لان القرآن يا اخوانا فيه كم سجدة اصلاً؟ ها؟ خمستاشر ستاشر اي حاجة مش كتير من ستلاف متين ستة وتلاتين. ده السجود دي حاجة كبيرة قوي. السجود ده كبير جدا - [00:07:40](#)

مش السجود انك تنزل وتحط على الارض وتسجد على سبعة اعزم وتقعد تسأل وفي ناحية القبلة ومش تحت القبل. طب لو مسافر طب ماشي ماشي اسأل واتعلم ما فيش ما اختلفناش بس مش هو ده المقصود. ليس المقصود منه السجود على الارض. وليس المقصود منه على - [00:08:04](#)

على سبع مواضع اصل ممكن تزهز على سبع مواضع بس مش على الارض. اومال ايه؟ المقصود من السجود التسليم ده بقى بالنسبة للمسلمين بقى يبقى بالنسبة لغير المسلمين السجود بالنسبة لهم يبقى ايه؟ يقر بوحدانية الله ويدخلوا الاسلام. ده السجود. واذا قيل لهم اسجدوا للرحمن. تعالوا اسجدوا - [00:08:24](#)

يعني ايه؟ سلموا لله بالوحدانية. انخلعوا من الشرك اللي انتم عايشين عليه وفيه طب المسلمين بقى يعملوا ايه المسلمين في السجون؟ السجود للمسلمين مش زي ما باقول لك كده انك تسجد. سجدة التلاوة دي سجدتها - [00:08:45](#)

لم تسجدها لا شيه عليك اصلاً. القرآن لا يعني هذا ابداً. لا يعني هذا ابداً يبقى واللي يفهم كده يبقى فهمه قاصر ومريض السجود في القرآن التسليم والخضوع سلم وتخضع وتخضع. يعني ايه؟ تسلم وخضوع وخشوع. لايه؟ لايه؟ لايه؟ قال رب العزة في سورة السدر - [00:09:05](#)

نفسها انما يؤمن باياتنا اي ايات بقى؟ ها؟ جميع الايات ولا ايات السجدة؟ جميع الايات انما يؤمن باياتنا الذين اذا ذكروا بها بمين؟ اللي هي قد ايه كل القرآن من اول الفاتحة لآخر سورة الناس. انما يؤمن باياتنا الذين اذا ذكروا - [00:09:33](#)

بها خروا سجداً. لمين؟ واضح كده؟ خروا سجداً. خروا سجداً للي انزل الايات اللي هم مآمنين بها. خروا سجداً وسبحوا بحمد ربهم وهم لا يستكبرون يبقى هنا جميع الايات. الله! يعني لما اسمع ايات الرب اسجد اقول لك ايه البدعة دي! وفي - [00:10:04](#)

هنا لا في سجدة في سجدة مش سجدة تلاوة انما في سجدة لمن انزل بنص اية السجدة اللي في سورة الايه؟ اللي في سورة حصر وقصر. حصر وقصر انما يبقى نزل دي على غيرهم لأ. يبقى اللي ما اللي ما بيخروش سجادا لايات الله - [00:10:34](#) بها مش مؤمنون. ان ما كانوا مؤمنون الايمان الكامل يبقى فيه نقص. المؤمنون الايمان الكامل اللي خروا جدل وسبحوا بحمد ربهم وهم لا يستكبرون. يبقى الايات المقصود منها ليست ايات السجدة يا اخوانا والله والله - [00:11:04](#) ليست ايات السجدة لان ايات القرآن يقول كده يؤمن باية الله! ده هو لو القرآن خمستاشر اية سجدة ولا بتاع خلاص خلصوا القرآن. لأ القرآن كله جميع الايات. جميع الايات تذكر بها الذين اذا ذكروا بها. اذا ذكروا بها خروا - [00:11:24](#) اي خشعوا وخضعوا واستسلموا ونفذوا ما في الايات اللي بتذكرهم اذا ذكرت المرأة بايات تحريم التبرج. تسجد يعني ايه تسجد؟ تخشع وتخضع وتترك التبرك خلاص. كأنها اول مرة بتسمعها. ليه ما هي موجودة قبل كده؟ وهي حفظاه. يبقى لم تخر ساجدة - [00:11:45](#)

يبقى مش مؤمنين بالايات. مش مؤمنة كده بالايات. ان كانت مؤمنة بان هي ايات في المصحف الايات مش في قلبها ولا لا في جوارحها ولا لها علاقة بها اصلا. اذا سمع المسلم ايات تحريم الربا خشع وخضع كأنه سجد - [00:12:14](#) كأنه سجن. زي الصحابة لما سجدوا كده يا اخوانا لما سمعوا ايات الخمر سجدوا. سجدوا مش كل واحد قام مكفي كده وعمل سجدة تلاوة. لأ سجدوا يعني ايه؟ قطعوا الارب الخمر سالت مطرح ما هم قاعدين. خلاص انتهينا. هو ده السجود. لما - [00:12:34](#) قالت لهم الايزو اذا ذكروا بها لما قالت لهم الايات انتهينا فهل انتم منتهون؟ قالوا انتهينا هو ده السجود. نفس الكلام تحويل القبلة. الراجل يقول لهم الصحابي يقول لهم على باب المسجد. الا ان القبلة قد حولت. او الرسول صلى الى الكزا - [00:12:56](#) وهم بيصلوا هو ده السجود. استداروا. ادوا وشهم للقبلة على طول. طب ما تكملوا الصلاة. كملوا الصلاة والصليحة لو كملت على القبلة القديمة. يعني الصلاة تمت على القبلة دي ما الصلاة صحيحة. ما تكملوهاش. هو ده السجود - [00:13:16](#) السجود لما يجي لك نص طب افرض انا عارف النص. بس مسلا ما بيطبقوش. وبعدين واحد مخلص اتك علي وام ارسني قرصة كده بالنص. يبقى هي نفس الاية كده. اذا ذكروا بها. انما يؤمن باياتنا الذين ايه - [00:13:36](#) اذا ذكروا بها خروا سجدا هو ده السجود يا اخوانا. انما مش زي ما بقول لك كده في الخمر سجدوا سجدة تلاوة لأ سجدوا السجود المنصوص عليه. ذكروا بالايات خلاص انتهينا - [00:13:56](#)

وخلاص انتهينا انتهينا. انتهينا خلاص نفس الكلام ان امها الصحابييات لما نزلت ايات الحجاب. الصحابة رجعوا قالوا لهم ده فيه اية بتقول كزا. صبحوا الفجر مش استنوا ثاني يوم ايه الفجر غربان غربان ورا الرسول عليه الصلاة والسلام. اسود في اسود ما فيش خلاص. هو ده السجود - [00:14:16](#) مش نستنى لما نعمل ايه وطب لما نقتنع ده اصل عندها كرشة نفس ده عندها ربو ده الدكتور بيقول لها يبقى عمرها ما عمرها ما هتسجد كده كانت لابسة النقاب وبعدين الدكتور قال لها شيليه من على وشي. بركة يا جامع ودكتور بقى وحد بيعرف احسن من الدكتور - [00:14:40](#)

وكله كلام مساكين في مساكين امال الطب ما كنش لما كان ايام الكورونا ما كانش اللي موجود ليه؟ ما كانش فيه كرشة نفس ليه ها الكل متكلم ليه؟ عشان خايف عشان لا يموت. انما نفز اوامر ربنا ربنا سبحانه لا لا. يبقى هنا السجود يا اخوانا - [00:15:00](#) السجود هو الخشوع والخضوع وتنفيذ الاوامر. هو ده السجود سجدة التلاوة دي سجدتها ام لم تسجدها صلاتك صحيحة ولا اثم عليك. تؤجر لو سجدت. انما الاساس ان تسجد لايات الله من اول الحمد لله رب العالمين لحد ومن الجنة من الجنة والناس. كل ده تسجد له - [00:15:21](#)

تنفذ هو ده السجود. بعد ذلك قوله تعالى تبارك الذي جعل في السماء بروجا وجعل فيها سراجا وقمرا منيرا. تبارك جت لنا ثاني دي المرة الايه ها؟ تبارك الثانية ولا الثالثة؟ الثالثة. اخر اخر يعني اخر - [00:15:47](#) تبارك في سورة تبارك او في سورة الفرقان. تبارك الذي جعل في السماء بروجا وجعل فيها سواجا منيرا وهو الذي جعل الليل والنهار

خلفة لمن اراد ان يذكر او اراد شكورا. ازكركم برضه بمعنى تبارك - [00:16:07](#)

فعل ولا اسم ولا ايه تبارك. تبارك نسيتوا يا اخوانا تبارك. هات العصاية يا علي. تبارك. اسم ايه تبارك فعل ماض ولا يطلق الا على رب العالمين فاعله هنا معنا في الاية مين؟ الاسم الموصول. تبارك الذي تبارك الله. ولا تطلق الا مقرونة برب - [00:16:27](#)

رب العالمين لا يقول لا نقول تبارك الرسول ولا تبارك فلان ولا تبارك انس ولا تبارك جن. تبارك الله تبارك الله فعل ماض وفاعله الاسم الموصول اللي معنا الذي جعل في السماء بروجاً وجعل فيها - [00:17:00](#)

سراجاً وقمر تبارك تعظم تعظم تعاليم وتعالي في ذاته تعاليم في فاته تعاليم في افعاله. افعاله اتم واكمل. وكل شيء. كل شيء تبارك فيه رب العالمين. وهنا تعال تبارك فيها معنى تعالي - [00:17:20](#)

وزيادة تبارك يعني تعاليم وتعالي تعالي فيها معنى تعالي بس من العلو والعزلة. اما تبارك علو مع بركة مع بركة لمين؟ تبارك رب العالمين فيشرع الخير لعباده. تبارك وتعالم فيرضى لعباده - [00:17:50](#)

الايمان ويكرههم الكفرها تبارك وتعالم سبحانه وتعالي يسر للعباد. كل موضع فيه تبارك فيه تحس فيه بركة نازلة فيه خير فيه شيء رب العالمين شرعه للعباد فيه خير للناس. في كل موضع فيه ايه؟ تبارك - [00:18:16](#)

تبارك تبارك يريد الله بكم اليسر ولا يريد بكم العسر. تبارك بركة منه سبحانه وتعالي. والبركة خير في تزايد والعطاء في تزايد لا حد له ولا يحصى ولا يحصى. ها تبارك الذي تبارك الذي - [00:18:38](#)

جعل في السماء بروجاً وجعل فيها سراجاً وقمرًا منيرا. كلها فضائل اهي بقى وخيرات في السماء بروجاً وجعل فيها سراجاً وقام ربنا. تخيلوا كده فعلا لو السما ما فيهاش حاجات من دي خالص. والله العزيز الحياة ما تستقيم اصلا. ما - [00:18:58](#)

ما فيش مش هتلاقي خير هي هي لازم تبقى كده تبارك الذي جعل في السماء بروجاً وجعل فيها سراجاً وقمرًا منيرا قال ابن كسير في السماء بروجاً قال الكواكب العظيمة الكواكب الضخمة قوي دي ماشي. يعني نقل عن المفسرين مجاهد وغيره يعني - [00:19:18](#)

وقيل القصور في السما للحراسة فيه في السما قصور قصور للحراسة السما حراسة السما ليه؟ فيه جن فيه بلطجية فيه لصوص هيقربوا من السما يعملوا ايه؟ ما يقدروش يضروا حاجة ما يقدروش ما يقدروش يضروا - [00:19:45](#)

انما يعملوا ايه؟ يسرقوا اخبار يشوفوا اي معلومة يجيبوا اي حاجة. طب هتفيد بايه؟ يضحكوا به على الناس. الناس اللي قاعدين منتظرينهم النكر النكر الناس اللي شبعت بالوحل واشربت قلوبها الوحي مش محتاجة دول اصلا. مش محتاجة دول. فيبقى قال لك

جعل في السماء بروجاً يعني قصور - [00:20:06](#)

حراسة دي حراسة السما او كواكب عظيم ولا مانع للقصور برضو تبقى نفسها للايه؟ للحراسة ونجمع بين الاقوال. قال تعالي ولقد زينا السماء الدنيا بمصابين زيناها بمصابيح دي احنا مش حاسين بالكلام ده الكهربا عندنا والدنيا عندنا والعملية رايقة ومش محتاجين

المصابيح اللي فوق دي لكن في ناس محتاجينها اشد - [00:20:31](#)

للاحتياج ناس بتسيب بقى الحضارة وبتسيب العمران وتمشي في الضلمة محتاجة لايه ها؟ المصابيح دي بقى محتاجة المصابيح دي عشان يعرفوا يمشوا سفينة طالعة مسلا من لندن مسلا ورايحة رايحة امريكا - [00:20:58](#)

هتمشي في الاطلنطي وييجي عليها الليل والدنيا هتضلم ها محتاجة امشوا في الصحراء دول بقى دول يحسوا بقى. زينا السماء الدنيا بايه؟ زي ما المصباح ده بتنوره عشان ينور لك الاوضة ويوريك كزا - [00:21:18](#)

هي دي المصباح. المصباح للناس محتاجينه. احنا اه مش محتاجينه لان يعني ما بنتحركشي. انما هو بيمشي في اماكن مزلمة بالليل وبالنهار واخذ بالك فهو محتاج المصابيح دي تنور له. جعلنا في زينا السماء الدنيا بمصابيح وجعلناها ايه؟ ها؟ الشيطان رحيم -

[00:21:37](#)

يعملوا ايه؟ اذا بقول لك كده بلطجية حرامية. ها كدابين نصابين يروحوا يعوزوا يجيب اي حاجة. عشان يقولها لواحد في الارض ويقول لك ده حصلت ما هو اصل الفتنة تيجي ازاي؟ يعني لو قلنا لو هو كل الكلام اللي بيوحيه لقريته من الانس كذب في كذب في

كذب. ما فيش ولا كلمة - [00:22:02](#)

طبعاً مش هياخد منه حاجة تاني لان اللي بيقوله كله ايه؟ ما هو الناس لكن لازم يجيب حنة ايه؟ حنة كده عشان تعمل شغل عشان تعمل اه حوالها كذب اه بس لازم تبقى في حنة يقول لك - [00:22:22](#)

اه صحفي حصل كذا كده يعني. ورجوم اللي يشهدوه طبعاً دول لازم ايه؟ يرجموا عشان يبعدوا عن الياه؟ عن السماع. وقام رموا ليرا قمر معروف مدير له دور بقى في الحياة في الزراعة وفي الملاحظة وله ادوار كتير جدا. احنا طبعاً مش حاسين به لان آآ زراعة -

[00:22:38](#)

خلاص بيروح الغيط آآ اكل شرب بنروح نجيب العيش بالفرن كل حاجة فعلاً مش حاسين بالياه؟ مش حاسين بان هو مفيد يعني القمر مفيد يعني لأ دي مفيد وقمر منيرا. وهو الذي جعل الليل والنهار خلفه خلفه. يخلف احدهما الاخر - [00:22:58](#)

اللي يخلف النهار والنهار ليه؟ يا سلام! لان احنا محتاجين الاتنين. محتاجين محتاجين الاتنين للحياة. ومحتاجين الاتنين للطاعة للطاعة. العمل اللي انت ما لحقتش تعمله بالليل لان المفروض تعمله بالليل مشي الليل. تعمله امتى - [00:23:18](#)

بالنهار سبحان الله حتى اعمال الطاعة نفسها اعمال الطاعة لما هنا الرسول عليه الصلاة والسلام يقول لنا في الحديث اللي رواه ابو موسى الاشعري قال ان الله عز وجل يبسط يده بالليل ليتوب مسيء النهار ويبسط يده بالنهار ليتوب ايه - [00:23:38](#)

مسيء الليل حتى تطلع الشمس من مغربها. وعمر دخل المسجد فصلى صلاة الضحى في طوره طول ما صلوا الضحى فطول مش مسجد لأ هو يبصلي الضحى فطول. فليل له صنعت اليوم شيئاً لم تكن تصنعه. طولت - [00:23:58](#)

او في الضحى ليه النهاردة يعني؟ فقال انه بقي علي من وردي شيه فاحببت ان اتمه ورد واما ورد صلاة او قراءة له ورد ومواذب عليه كل ليلة. ففانت الليلة خلصت وايه؟ ما - [00:24:18](#)

الورد فبيخلصوا بياه؟ بالنهار. خلفه خلفه ربنا جعل عشان اللي ما تقدرش تعمله هنا هتعمله هنا وخلفه رب العزة الزنوب اللي انت عملتها بالنهار يغفرها لك بالليل واللي عملتها بالليل يغفرها لك بالياه - [00:24:40](#)

بالنار. سبحان الله! اه. جعل الليل والنهار خلفه لمن اراد ان يذكر او اراد ايه؟ شكر كورة اللي عاوز يشكر ربنا يجتهد. طب بالنهار كان فيه شغل وفيه معايش وانت عاوز تشكر ربنا. وتذكر يقوم يجيب لك الياه - [00:24:58](#)

الليل قم بقى اشتغل قم قم اشتغل ازكر ربنا واشكره. طيب هتنام شوية ويطلع النهار هتجتهد في المعاش وتدور على لقمة عيشك. عاوز برضو تشكر ربنا تذكر يقوم يجيب لك الياه؟ الليل وهكذا. وعباد الرحمن الذين يمشون على الارض هونا - [00:25:22](#)

واذا خاطبهم الجاهلون قالوا سلام الى اخر اوصاف عباد الرحمن. طبعاً في الاوصاف دي في حاجات بتتخيلها زي جمل اعتراضية او تفسير لاشياء او زيادة بيان للشيء. انما في العبادة الرحمن يعني موجودة في مجموعة الايدي بس جواها او بينها كده ايه ها ايات

مش مش من صفات عباد الرحمن - [00:25:45](#)

فناخدهم بقى صفة صفة كده حتى يعني يتم الله سبحانه وتعالى علينا النعمة. عباد الرحمن الاول كده وعباد رحمة. نسأل الله ان يجعلنا من عباد الرحمن. ليه؟ عباد الرحمن يا اخي. كان الاخ بيسأل مرة قبل كده عن شهر الله - [00:26:15](#)

قال محرم ايه اشمعنى يعني المحرم اسمه شهر الله؟ هو اختصاص من الله للشهر. ليه؟ الله اعلم. هو الرسول قال افضل الصلاة بعد الفريضة صلاة الياه؟ الليل. الليل. وافضل الصيام بعد رمضان شهر الله - [00:26:35](#)

الله سبحانه وتعالى يخلق من يشاء وايه؟ وان يختار. زي ناقة الله ناقة الله وسقياها. الله! طب ما هي كل النوق لمين؟ لله. اشمعنى الناقة دي؟ هو ربنا سبحانه وتعالى اكرمها وشرفها وازادها اليه - [00:26:55](#)

جميع النوق اللي على وجه الارض هي لله اللي خلقها الله سبحانه وتعالى. اشمعنى ناقة صالح اللي اتقال عليها ايه ها؟ ناقة. كذلك نفس الكلام شهر الله. هنا نفس الكلام عباد الرحمن - [00:27:13](#)

اخترهم عباد الرحمة. طب ليه؟ لان هم عملوا حاجات تؤهلهم للاختيار. اجتهدوا عشان يؤهلوا للاختيار وعباد الرحمن. باستقراء ايات القرآن واحاديث سيد الانام تبين ان العباد ان العباد قسما. العباد نشفهم دول كلهم انس وجن قسما. قس عباد - [00:27:30](#)

لله وقسم عباد لغير الله هو ما ينفعش يبقى ينفع هنا وهنا هو يا عبد الله يا من عباد الياه؟ غير الله. القسم الاول عباد الله عباد الله

عباد لله بالخدمة والطاعة والاخلاص - [00:27:59](#)

عباد عبد عبد مخلص زما سيده بيقول له بينفز. ما بيهربش من سيده عبد اخلص وفي. اكيد سيدنا يوسف منهم ولا مش منهم؟ ها؟
شاربينه بفلوسهم شاربينه بفلوس وما عهوش فلوس يعتق نفسه - [00:28:26](#)
وربما لو معه ويديهم ما يرضوش ياخدوا منه مش عاوزين. عاوزينك انت عاوزينك انت. كان مخلصا ولا مش مخلصا. مع انه اصلا هو
عبد لمين؟ لله اصلا. لكن عمره ما كان عبد - [00:28:55](#)

لهم الا ان هم بس اشتروه بفلوسهم فهو عندهم بس. انما عبد لهم ابدأ. ولزلك لما تقرأ صورته والفايا سيدها لدى الباب والفاي لها لدى
الباب ولو تتذكروا واحنا بنتكلم عن قصة سيدنا يوسف اصلا الكلام ده قيل بالتفصيل. ارجعوا لها واسمعوها. ولا ايه - [00:29:11](#)
الفايا سيده ما يقولش ايه؟ لأ. هم دي لأه بس ده هو سيدها هي بس. انما سيدي يوسف لأ مش سيدي يوسف واضح ولا مش واضح؟
اه فهنا العباد القسم الاول عباد لله. عباد لله بالعبادة والخدمة والاخلاص لله عز وجل. ولزلك - [00:29:44](#)
فربنا زكره منهم كتير وفي مواضع كتيرة في القرآن. واذكر عبدنا ايوب. وعن نوح انه كان عبدا شكورا نزل الفرقان على عبده الحمد
لله الذي انزل على عبده الكتاب. فوجد عبدا من عباده - [00:30:17](#)

اللي هو مين؟ الخضر عليه الصلاة والسلام. واوعى تقول غير كده الخضر عليه الصلاة والسلام واضح ولا مش واضح؟ نبي نبي وهذا
الكلام غصة في حلوق الملايين. بس هو النبي شاؤوا ام ابوا. وجد عبدا من - [00:30:48](#)
لعبادنا فوجد عبدا من عبادنا اتيناه. ان عبادي ليس لك عليهم سلطان كونوا عبادا لي في سورة ال عمران ما فيش حد ربنا سبحانه
وتعالى اعطاه الكتاب والنبوة وقال للناس كونوا عباد - [00:31:17](#)

ما كان لايه؟ لبشر ان يؤتية الله الكتاب والحكم والنبوة ثم يقول للناس. ان عبادك منهم المخلصين وعد الرحمن عباده بالغيب. وعباد
الرحمن الذين يمشون على الارض اللي هي الاية اللي معنا دي - [00:31:37](#)
بعبادي ليلا. كل دول ايه ها؟ عباد لله. وعباد للرحمة. القسم تاني بقى عباد للدنيا عباد للدنيا عبيد للدنيا واعراضها بقى باللي فيها.
بعربياتها بارصدها بمصانعها عامل للدنيا باللي فيها. وعاكفين على خدمتها - [00:31:57](#)

ليل ونهار وهم دول اللي الرسول قال عليهم في الحديث المشهور والمعروف عن ابي هريرة رضي الله عنه قال رسول الله صلى الله
عليه تعس عبد الدينار لا اله الا الله - [00:32:29](#)
مش عبد الله لأ تعس عبد الدينار. وعبد الدرهم. وعبد الخميصة. ان اعطي رضي. وان لم يعطى ساخط تعس وانتكس. واذا شيك فلا
انتقش. طوبى لعبد اخذ بعناء فرشه في سبيل الله - [00:32:44](#)

اشعث رأسه مغبرة قدماه. ان كان في الحراسة كان في الحراسة. وان كان في الساقه كان في الساق ان استأذن لم يؤذن له. وان شفع
لم يشفع. يعني طوبى لعبد متواضع عبد - [00:33:08](#)
دي مش مشهور مش معروف اوي. حتى لدرجة انه لو استأذن على ناس دقوا الباب عليهم. فلان مين؟ انا فلان. يسكتوا. يعني ايه ها؟
ما فيش اتفضل طيب راح لمع واحد في موضوع شفاعه في الجواز في اي حاجة يقول انا جاي مع فلان يعني ايه انت؟ انت مين انت
- [00:33:30](#)

اشعس اغبر وطبعا يبجاهد في سبيل الله وكده. الشاهد عبد الدينار والدرهم دول مش عباد لمين ها؟ مش عباد للرحمن. يبقى وعباد
الرحمن اللي في خدمة الرحمن اللي في خدمة الرحمن - [00:33:59](#)
ما بيفروش من هذه الخدمة. وياما ناس بتفر ومسلمين برضه. فانت بقى ان كنت عاوز تبقى مع عباد الرحمن ما تفرش اوعى تفر من
سيدك. سيدك بيقول لك تصلي الصلاة في وقتها. يبقى لازم تسمع كلام سيدك - [00:34:22](#)

ولا ايه؟ لان انت لو عبد سيد من البشر ما سمعتش الكلام هيجلدك ويضربك. طب هفر منه واسيبه يبقى ده اسم تاني خالص العبد
الابق ده اتفرکش يبقى لازم تسمع الكلام - [00:34:41](#)
لما تتجوزش الا بازنه ، حتى الجواز ما تتجوزش الا بازنه اتجوزت يعني ممكن تتجوز بدون اذن ابيك انما ما تتجوزش بدون اذن

سيدك. واضح؟ اقتربت. بازن ابيك ممكن تتجوز بدون اذن ابيك - [00:34:59](#)

طالما ان الزوج يعني لا غبار عليها وكده ممكن تتجوز بدون اذن. انما سيدك لأ. ما تملكش. ما تملكش. فما بالك بقى قال لو كان رب العالمين هو سيدك كما في الحديث السيد هو الله - [00:35:16](#)

السيد هو الله. فعباد الرحمن اللي متفرغين لخدمة الرحمن وطاعته ويخلص في ذلك هم دول. كلمة عبید تطلق على اللاتنين على اللاتنين بس غالباً بتطلق على عبید الناس في الغالية. بس هي تجمع اللاتنين. عبید تجمع اللاتنين. لان رب العزة قال وما ربك - [00:35:33](#)

بظلام يبقى دخل الطائعين والايه؟ والعصاة. عباد الرحمن لو عملوا حاجة منظموش لازم ياخدوا حقهم وزيادة. وعباد الشيطان وعباد وعبید الناس لو عملوا حاجة برضو سواء سالحة او غير سالحة ما ينزلوش - [00:36:02](#)

وعلشان كده ايه لما لما الاية جمعتهم اللاتنين مع بعض قال وما ربك ايه؟ لما ربنا فرز عباده عن اللاتنيين قال وعباد الرحمن. واضح كده؟ يبقى لفظ عبید هه بيشمل اللاتنين. يشمل اللاتنين. اما عباد الرحمن هم - [00:36:22](#)

الرحمن خلاص هم عباد الرحمن. هم. فيهم بقى هنا كم خصلة او كم صفة؟ ثلاث عشرة صفة تلتاشر صفة من صفات عباد الرحمن. مهم جدا يتخلق بالصفات دي وتنتصف بالصفات دي - [00:36:42](#)

اول صفة يمشون على الارض هونا يمشون على الارض هونا بالتواضع لا يتكبرون. برفق وسكون. العلم ماليهم والحلم ماليه كده متواضعين متواضعين كده. في هدوء يمشون على الارض هونا بس برضه الهون ده لازم تعرف له ضابط مش آآ ما يوصلش لحاجة وحشة كده يعني. في الحجة الوداع سيدنا - [00:37:05](#)

النبي كان بيحج وهو جاي من عرفة سيدنا عبد الله ابن عباس يقول ايه؟ يقول فسمع النبي ورأى وزجرا شديدا وضربا وصوتا للابل. جايين من عرفة رايعين مزدلفة. فماشيين بقى بسرعة كده يعني. الزجر للابل يلا يلا كده وهي مسلا تخبط على الجمل عشان او الناقة عشان - [00:37:46](#)

امشي بسرعة. فقال رسول الله صلى الله عليه وسلم ايها الناس عليكم بالسكينة يمشون على الارض ايه ها؟ هونا. فان البر ليس بالايضاع يعني بالاسراع البر السكينة فان البر ليس بالايضاع عن المصباح كما في قوله تعالى اوضعوا خلالكم يعني اسرعوا خلالكم في الفتنة. ولا - [00:38:16](#)

اوضعوا خلالكم بيغونكم الايه؟ الفتنة سورة التوبة يبقى البر ليس بالايضاع يعني ليس بالاسراع. يمشون على الارض ايه؟ هونا. والمشي هونا يكون خلي من تصنع الورع. فيه ناس بتتصنع الورع. وخشوع النفاق - [00:38:49](#)

هو مبتلى بنفاق بس بيتظاهر بالخشوع يتصنع الورع وخشوع النفاق. المشي هونا يكون خالي من التماوت. ما تمشيش موت مشي كده سيء. كانك ميت ما بتمشيش اصلا لأ مع السكينة والتواضع تمشي كمشي الرسول عليه الصلاة والسلام - [00:39:12](#)

ليكن الرسول صلى الله عليه وسلم كما يقول سيدنا علي بيوصف فيه يعني لم يكن بالطويل ولا بالقصير. يقول اذا مشى تكفأ تكفأ كأنما ينحط من صيب. الواحد لما يكون نازل من حاجة عالية لواطي تلاقيه نازل ايه - [00:39:38](#)

واضح كده؟ هي كانت مشية الرسول كده وهو ماشي مستوي اصلا هو مش مستورس فيه دفع كده. وتطوى له الارض تطوى له الارض. يقول اذا مشى تكفأ كتكفؤا كأنما ينحط من صيب يعني من مكان عالي. لم ارى قبله ولا بعده مثله صلى الله عليه وسلم - [00:39:56](#)

ماشية مش سريعة كده همجية لأ فيها نشاط فيها عزة فيها اعتزاز بالنفس. الرسول عليه الصلاة والسلام زود الجرعة دي لما كان جاي يطوف قاعدة تراقب اللي هو ده اسمه ايه بقى في الطواف اسمه ايه ها؟ ها؟ لأ. الرمل للطباع انكشف الكتف الايمن - [00:40:23](#)

في صحة في خير في البدن كشف الكتف الرمل تقارب الخطى والاسراع ان انا في انهي حصة؟ فينا صحة؟ مش نفس مكروش وقلبي تعبان ورئتني خربانين. لأ في صحة. مطلوب. مطلوب - [00:40:51](#)

هو اصله مشيته كده. فزود العيار ده فين؟ عشان يري مين؟ يري قريش. فالشاهد يعلمنا برضو الاية تقول يمشون على الارض هونا

والرسول يقول لك الهون ده برضو له ضابط - [00:41:14](#)

ما تبقاش بقى ماشية واحد ميت كده لأ. اذا اقيمت الصلاة فلا تتوها وانتم ايه؟ تسعون. تجروا لأ تجروش. واتوها وانتم تمشون. وعليكم ايه؟ اللي هي يمشون على الارض ايه؟ هونا. ما تجريش بس تمشي ماشية كده فيها همة فيها نشاط. اه فما ادركتم فصلوا وما فاتكم - [00:41:32](#)

وفي ايه؟ يبقى المشي هونا دون اسراع مفرط. اه كان عمر ابن الخطاب كما يروى ابن كسير يسرع جبلة يعني عمر هي مشيته كده اصلا. يقول لك اذا مشى اسرع واذا ضرب - [00:41:58](#)

باوجع واذا تكلم اسمع كده حاجة تملأ العين حاجة فيها اعتزاز بالدين شخصية كده متكاملة متكاملة مش حاجة يتماوت كده. لذلک رأى شابا يمشي رويدا ماشي كده يعني ايه؟ ايه يا ابني اللي انت عامله ده؟ قال فما بالك - [00:42:14](#)
انت مريض؟ قال لا يا امير المؤمنين مش مريض. طب ما تمشي مشي الشباب يا ابني. هونا برضو بدون ايه تهور اه قال فعله بالدره لما سأله انت مريض ربما يكون مريض. قالوا لا ده انا سليم. قام ضاربه بالدربة - [00:42:35](#)

وامره ان يمشي بقوة يبقى المراد بالمشي هونا يعني بالسكينة وقار في اعتزاز بالنفس مش كبر وتمشي مشي نشيط كده يعني هم. يمشون على الارض اه هونا يمشون على الارض هونا. الصفة الثانية واذا خاطبهم الجاهلون قالوا ايه - [00:42:55](#)
سلامة. يا الله ده احنا محتاجينها قوي قوي دي يا اخوانا. واذا خاطبهم الجاهلون اللي راكبين عربيات واللي راكبين تكهاتك واللي ماشيين على رجليه مولد مولد اذا خاطبهم الايه؟ الجاهلون. ما هو انت كل حته هتلاقي فيها ايه؟ جاهلين. كل حته هتلاقي فيها - [00:43:20](#)

يهدأ الجاهلية. الصفة دي بتتجلى احلى ما تتجلى عندنا في القرآن في سيدنا ابراهيم سيدنا ابراهيم تصرف سيدنا ابراهيم مع ابيه اكبر جاهل في الدنيا كلها هو ابو سيدنا ابراهيم ده. اكبر جاهل - [00:43:45](#)
انا لما شفت زيي هو ده اللي اعرفه في القرآن اكبر جاهل اشد من فرعون. لان فرعون كان يعني ايه؟ يسرف او يتحامق مع مين؟ مع مش واحد مش ولاده - [00:44:02](#)

مش ابنه. هو فرعون والله موسى اتربى عنده بس مش ابنه. انما دي مع ابنه ويقول له لان لم تنته لارجمنك واهجرني مليا شفت بقى؟ قال ايه؟ سلام عليك. معقول؟ ايوه. سلام عليك - [00:44:18](#)

استغفروا لك ربي انه كان بي حفيا. اقول لكم احسن حاجة نطلع ولادنا من الكليات والمدارس ونريح دماغنا. ولا نسيبهم يكملوا ها سبهم يكملوا نسيبهم يكملوا وندعي لهم بالهداية. مش كده ندعي لهم بالهداية. شنو حاجة عن الكلام - [00:44:45](#)
حسوا بحاجة زي كده والله العزيز يا اخواننا ياما الاباء بتشتكي مرة الشكوى. تسمع العجب العجاب من اللي اولاده من الاولاد بيعملوه في اهاليهم مسلمون مسلمون. سلام عليك. طب واذا خاطبهم الجاهلون - [00:45:05](#)

قالوا سلامة ابوك مش جاهل يا ابني لا هو في نزره جاهل ممكن امه في نزره جهلا. لان ولد بيعرف يخش على المواقع وعارف الدنيا ويبفك وييربط وحاجة علامة علامة. فابوه جاهل دقة قديمة وامه جاهلة دقة قديمة. طب يا راجل قل سلاما. مش كده - [00:45:31](#)
كده ولا ايه؟ قل سلاما. بس الكلام ده طبعا ما بيدرسش لا في كليات ولا في مدارس. ما فيش الكلام ده اصلا. والكلام ده ان كان يعني في جزء من جزء من مسجد. ما هو الكلام اللي ما بندرسش في المدارس هي في مادة اسمها اخلاق في المدارس اصلا؟ هي في اخلاق في المدارس ما فيش - [00:45:51](#)

في حتى التربية الدينية راحت فين؟ لها كتب لها موجودة دلوقتي التربية الدينية. الى الله المشتكى. فابوه بالرجم قمة في الجهل. الواحد يفرح ان ابنه كويس وناضج وعائد فيه خير كده يفرح. انما لما يكون ابنه بالشكل ده ويقول له لارجمنك - [00:46:11](#)
هموتك. طب ليه انا عملت فيك ايه؟ اه واهجرني مليا يعني زمانا. مش عاوز اشوفك اصلا. ابوه يهدده بالرجم وهو يقول قل له سلام عليك. واياه كمان؟ مهمة جدا. مهمة جدا اخلاق عباد الرحمن دلوقتي. ليه - [00:46:38](#)
يا اخي انت مش عاوز تفتخر انك من عباد الرحمن. ليه ليه؟ ليه عاوز تاخذ ححك بدراعك؟ وتبين انك يعني واد فتوة ما هو دي

المصيبة وازا خاطبهم الابه؟ الجاهلون قالوا - 00:46:58

ما هو ان قال سلاما يبقى ضعيف وان قال السلام اني مش عارف ياخذ حقه. وان بس الابه بتقول قالوا سلاما لا بتقول قالوا سلاما لا وسلاما ايه هيستعطني اهو كده. هي دي مربة الفرس - 00:47:14

وقل لعبادي يقولوا التي هي احسن ان الشيطان ايه؟ يعني ما هو عاوز دي. واكيد طبعا شفتهم الحاجات الحوادم اللي حصلت في البلد عندنا لو القتل والحاجات دي لان هم ايه ما قالوش ايه؟ ما قالوش سلامة. ما قالوش سلامة. لو قالوا سلامة كان الموضوع انتهى من ساعتها وخلص. لا - 00:47:35

كبر كبر كبر كبر. اه وازا خاطبهم الجاهلون قالوا سلاما جاهلون وزي ما بقول لك انا ادارة بين التكاتك راكبين العربيات فتح يا اعمى. قل سلاما. قل سلام. قل له سلام عليكم - 00:47:55

وخلص ياه ابليس لأ مش هيعجبه الكلام ده عاوز حاجة تاخذ حقه. تدي له اغنيتين تكسر له حاجته. وهكذا ولزلك يعني كسر لان اصلا السلام اصلا يا اخوانا هرب من حياتنا بصرف النزر عن كلام الجاهلين - 00:48:14

السلام اختفى بمعنى ايه؟ والله العزيز يا اخوانا انا بشوف ناس وجهها لوجه كده وعارفك انت فلان نقول لك سلام عليكم بنكسروا ايديكم. عشان السلام اختفى من حياتنا. فاذا خاطبهم الجاهلون مش هيقولوا ايه؟ لانه اصلا السلام - 00:48:34

اختفى اصلا. والرسول عليه الصلاة والسلام حزر من كده وقال كده. قال بين يدي الساعة تسليم وفي رواية سلام المعرفة. تسليم الخاصة يعني تسلم تلقي السلام على اللي انت على اخص - 00:49:01

الناس قريب منك وانت عارف. او سلام المعرفة. فعشان السلام اختفى من حياتنا اصلا بينا وبين بعض كمصلين وكزا كزا اختفى من الواقع العملي. فهتيجي ازاي اذا خاطبهم الجاهلون قالوا ايه؟ مش هتيجي - 00:49:23

ان هو اصلا من غير خطاب جاهلين ما فيش ايه؟ ما فيش سلام. ولزلك عبدالله ابن السلام بيروي الحديس ده شيه عجيب. بيقول لما قدم رسول الله صلى الله عليه وسلم المدينة. انقل الناس الي عن اصبغه كله راح بقى يشوف الرسول ويقابل الرسول كده يعني -

00:49:43

وقيل قدم رسول الله صلى الله عليه وسلم فجنته عبدالله بن سلام بيقول فاجنثه في الناس على الاسلام ولا الكفر لسه على الكفر. اهو العالم من علماء اليهود. فجنث في الناس لانظر اليه - 00:50:03

طبعا الرسول مش مانع بقى يعني مش مسلا يجي للمسلمين بس واليهود لأ ما حدش يجي لأ سايب كله يبجي الكل يبجي والكل يشوف الرسول على الطبيعة عليه الصلاة والسلام - 00:50:22

اسأل الله ان يرزقنا رؤيته دنياه في الدنيا والاخرة. اللهم امين. فجنث في الناس لانزر اليه. فلما ما استبنت وجهه. بصيت لوجهي كده عرفت ان وجهه ليس بوجه كذاب. الله! هو وجه كذاب بيبقى معروف - 00:50:32

معروف عند اهل الفراسة عبدالله بن سلام ممكن يكون قاري ودارس ويعرف الوجوه واهل الفراسة يعرفوا برضه وجوه الكذابين. يعرف الوجه ده وجه كذاب ومنافق وكذا وكذا. عرفت ان وجهه ليس بوجه كذاب. سبحان الله! نور ربنا قذفه في قلب مين؟ عبدالله

ابن سلامة - 00:50:52

فبيقول بقى الكلام ده الحديس ده رواه بعد ما اسلم. فكان اول شيه تكلم به ان قال يا ايها الناس سبحان الله! اول شيه تكلم به اول شيه لا اله الا الله ايوه يا ايها الناس افشوا السلام. واطعموا الطعام - 00:51:18

بالليل والناس نيام تدخل الجنة بسلام. يبقى هنا وازا خاطبهم الجاهلون قالوا سلام المش فتلاقيها ابا الا اما الناس تعمل ايه ها تفشي السلام. فهيصح في حالة الجهل يقولوا ايه؟ يقولوا سلام. واذا خاطبهم الجاهلون قالوا سلاما. الدائرة ديت - 00:51:38

واسعى وديقة في وقت واحد. يعني ايه؟ دائرة الجاهلين كبيرة جاهلين في العمل جاهلين في الشارع جاهلين في اي حته في الاراضي في السوق الجهلة كتير. فاذا خاطبهم الجاهلون في اي موقع من دول قالوا ايه؟ طب ما نضيقتها شوية كده وندخلها البيت.

تنفع - 00:52:08

في البيت الدائرة ديت وازا خاطبهم الجاهلين قالوا سلمة؟ تنفع ولا ما تنفعلش؟ ساكتين ليه ولا هي الاية خصصت اماكن دون اماكن كامل. يعني لما تخاطب الزوجة زوجها وازا خاطبهم الايه - [00:52:35](#)

الجاهل قالوا سلام. افرض جوزها جاهل مسلا. جاهل بحق الرحم ومش عارف يعني ايه راحة وقال لها ما تروحيش عند امك مسلا يعني تقول ايه؟ تقول سلاما ولا تعمل ايه؟ ها؟ تقول سلاما. طب وبعدين - [00:52:53](#)

مش راحة كده ها انما تقول له ايه؟ هاروح غصب عنك. تبقى ايه؟ يبقى طالق عرفت بقى ادي جزء من من اية وازا خاطبهم الجاهلون قالوا سلاما. طب هو بيقول لها ما تروحيش هي لحزة غضب بيقول لها ما تروحيش والحكاية ولو كزا ماشي - [00:53:17](#)

ماشي ماشي حاضر اي سلاما دي يعني حاضر لا لا ازا بقى؟ اومال هتباقوا عاوزة بالافراط يعني مع في بخصوص الاسرة نقول له وازا خاطبته الجاهلة خالص لا لا - [00:53:43](#)

لان الناس اصلا ما فيش حد هيعيش لوحده. فلا بد الناس تعيش في جماعة ما فيش واحد يعيش لوحده. فالجهلة هيقابلوك في كل المواقع. انا باقول لك اوسع الدواير هيقابلك جاهلون. واضيق الدواير - [00:54:03](#)

اي ابرد برضه ايه؟ جاهلون جاهلون نفس الكلام الجاهل ده ممكن يكون ابنك. ابنك ممكن يكون ابوك يخاطبك زي ما ابو ابراهيم كده ابو ابراهيم كده يعني افرض ان ابوك - [00:54:20](#)

قال لك ما حلقتش لحيتك هطلق امك. وارد ولا مش وارد؟ هطردك من البيت ما تدخلش. ويجيب فعل قفلوا ويحطوا في البوابة. ابوك كده جاهل ولا مش جاهل؟ جاهل. عاوز ايه؟ عاوز سلامة. عاوز - [00:54:40](#)

كلاما ابوك قال لك لو رحت صليت في المسجد الفلاني هطلق امك. جاهل عاوز برضو ايه؟ عاوز سلامة. حاضر. مش اروح المسجد ده دلوقتي شوية اروح في واحد تاني مسلا عاوز سلام سلام عليك يا ابي. شوف له هدية شوف له حاجة شوف لاخوه الكبير - [00:55:00](#)

شف الواحد صاحبه تكلمه. انما والله والله لاخذ حبة غلى. يا اروح اصلي في الجامع ده هو ياخذ حبة غلى هو مصمم وانت مصمم. ابليس يقول لك خلاص الحبة البسيطة خالص خدها يلا ورايح دماغك من القرف ده. تاخذها وخلاص - [00:55:23](#)

عشان ما نفزناش الايه؟ اه. هي دي يا اخواننا الدائرة واسعة وديقة في نفس الوقت. بيوتنا محتاجة دي. محتاجة ازا خاطبهم الجاهلون قالوا سلام. سمعاه بيزنجر ويقولوا عليه الطلاق بالتلاثة. لو عملت كزا كزا - [00:55:43](#)

يكون كزا تقول له هعمل. طب هو جاهل في في الوقت ده الجهل راكمه. المفروض نقول له ايه؟ حاضر اللي هي سلاما يا سلاما وهكذا. فالشاهد بعدنا عن هذه التعاليم والصفات الجميلة دي لعباد مين يا - [00:56:03](#)

اخوانا لعباد الرحمن. ارجع لخولة بنت آآ مش كده؟ انت علي كزهر امي قالت سلاما انا هاروح اجيبها من عند الرسول وجابتها. جابتها ولا ما جابتهاش؟ جابتها ولا ما جبتهاش؟ هو دي - [00:56:23](#)

سلام هو ده السلام. قالت سلاما سابت له الحنة ومشيت. مع انه هي بتقول في بقية الحديث يعني ان هو خرج الى نادي قومه ورجع تاني يعني بعد ما قال لها انت علي كزهر امي طلع قعد شوية مع اصحابه هناك ورجع. فلما رجع عاوز يجامعها - [00:56:46](#)

نسي الايه المعوزة معها. قالت له لا انت بعد اللي قلت. قال لها تعالوا هيشدها بالعافية وبتاع. قال له يا شيخ كبير منه بسهولة يعني وزقيته وبتاع وراحت لمين؟ للرسول. دي دي اللي قالت سلامة. هو ده السلام. وازا خاطبهم الجاهلون - [00:57:07](#)

قالوا ده عباد مين يا اخوانا؟ الشيطان لازم يجي لك في الحنة دي بالزات ويتكلك عليها. يتكلك عليها من باب الضعف من باب الضعف انت ضعيف انت مش قادر هو مستعبطك هو كزا عشان هو مش عاوزك - [00:57:28](#)

نقول ايه؟ سلام. مع اني لو ما قلتش لا لو قلت سلاما ديت هتهزه. ويستحي ويندم ويطلب منك المعاتبة يعني ايه؟ يطلب انك تسامحه يعني يعاتب واخذ بالك ويقول لك معلش انا ما كانش قصدي. صدقني - [00:57:48](#)

فالشاهد هي دي القضية. عباد الرحمن ازا خاطبهم الجاهلون قالوا ايه؟ قالوا سلاما. بعديها بقى حاجة تانية لان هم همتهم ومش فاضيين للخناقات ومش فاضيين للانتقامات الشخصية ومش فاضيين ومش فاضيين ومش فاضيين. لانهم بيبيتون - [00:58:09](#)

ده ايه؟ لربهم ايه؟ سجدا وقياما. ما عندهمش وقت للناس الجهلة دي. وما عندهمش وقت بيعوه اه يبيتون لربهم سجدا وقياما. نسأل الله ان يجعلنا منهم. صلى اللهم وسلم وبارك على نبينا محمد - 00:58:31